

**ZAKON
O PEČATU INSTITUCIJA
BOSNE I HERCEGOVINE**

Član 1.

Ovim zakonom se uređuje oblik i izgled pečata institucija Bosne i Hercegovine, kao i njegova upotreba od strane institucija Bosne i Hercegovine.

Član 2.

Pečat institucija Bosne i Hercegovine potvrđuje autentičnost službenih dokumenata institucija Bosne i Hercegovine i koristi se u skladu s odredbama ovog zakona.

Član 3.

Pečat ima oblik kruga i sadrži tekst: Bosna i Hercegovina i naziv institucije napisan latiničnim pismom ijekavskog izgovora i ćirilичnim pismom ekavskog izgovora, s tim da su oba naziva u obliku koncentričnih krugova koji neposredno okružuju grb Bosne i Hercegovine, koji se nalazi u sredini pečata.

Pečat se proizvodi u dvije veličine prečnika 50 odnosno 30 milimetara.

Organi i organizacione jedinice institucija iz člana 7. ovog zakona mogu imati i pečat prečnika 20 mm radi potvrđivanja finansijskih i drugih dokumenata gdje upotreba većeg pečata nije pogodna.

Izgled i grafičko rješenje pečata institucija Bosne i Hercegovine dati su u Aneksu, koji čini sastavni dio ovog zakona.

Član 4.

Pečat institucija Bosne i Hercegovine ne može se koristiti kao zaštitni ili uslužni žig, uzorak ili model, niti kao bilo koji drugi znak za obilježavanje roba ili usluga.

Član 5.

Pečat institucija Bosne i Hercegovine ne može se upotrebljavati ukoliko je oštećen ili svojim izgledom nepodoban za upotrebu i kao takav će se povući iz upotrebe.

Član 6.

Ministarstvo civilnih poslova i komunikacija Bosne i Hercegovine odgovorno je za regulisanje proizvodnje, čuvanje i uništenja pečata kao i za vođenje evidencije o pečatu institucija Bosne i Hercegovine.

Podzakonski akt kojim će se regulisati pitanja iz prethodnoga stava Ministarstvo za civilna pitanja i komunikacije će donijeti u roku od 15 dana od dana stupanja na snagu ovoga zakona. Nadzor nad radom ovlaštene pečatoreznice u pogledu izrade pečata, vrši Ministarstvo za civilna pitanja i komunikacije.

Član 7.

Pečat institucija Bosne i Hercegovine koristi se u službenoj prepisci članova Predsjedništva Bosne i Hercegovine, Vijeća ministara i ministarstava, Parlamentarne skupštine Bosne i Hercegovine, Ustavnog suda, Stalnog komiteta za vojna pitanja, Komisije za ljudska prava, Centralne banke i Stalne izborne komisije nakon formiranja iste, ministara pojedinačno, zamjenika ministara i svih ostalih službenih lica institucija koje su pod upravom institucija Bosne i Hercegovine, odnosno koje podnose izvještaj institucijama Bosne i Hercegovine. Ni jedan drugi pečat neće biti korišten zajedno sa ovim pečatom institucija Bosne i Hercegovine.

Član 8.

Ovaj zakon stupa na snagu sedam dana nakon njegovog objavljivanja u "Službenom glasniku BiH".

**ZAKON
O PEČATU INSTITUCIJA BOSNE I
HERCEGOVINE**

Članak 1.

Ovim se zakonom uređuje oblik i izgled pečata institucija Bosne i Hercegovine, kao i njegova uporaba od strane institucija Bosne i Hercegovine.

Članak 2.

Pečat institucija Bosne i Hercegovine potvrđuje autentičnost službenih dokumenata institucija Bosne i Hercegovine i koristi se sukladno odredbama ovoga zakona.

Članak 3.

Pečat ima oblik kruga i sadrži tekst: Bosna i Hercegovina i naziv institucije napisan latiničnim pismom ijekavskog izgovora i ćiriličnim pismom ekavskog izgovora, s tim da su oba naziva u obliku koncentričnih krugova koji neposredno okružuju grb Bosne i Hercegovine, koji se nalazi u središtu pečata.

Pečat se proizvodi u dvije veličine promjera 50 odnosno 30 milimetara.

Organi i organizacijske jedinice institucija iz članka 7. ovoga zakona mogu imati i pečat promjera 20 mm radi potvrđivanja financijskih i drugih dokumenata gdje uporaba većeg pečata nije prikladna.

Izgled i grafičko rješenje pečata institucija Bosne i Hercegovine dati su u Aneksu, koji čini sastavni dio ovog zakona.

Članak 4.

Pečat institucija Bosne i Hercegovine ne može se koristiti kao zaštitni ili uslužni žig, uzorak ili model, niti kao bilo koji drugi znak za obilježavanje roba ili usluga.

Članak 5.

Pečat institucija Bosne i Hercegovine ne može se upotrebljavati ukoliko je oštećen ili svojim izgledom nepodoban za uporabu i kao takav će se povući iz uporabe.

Članak 6.

Ministarstvo civilnih poslova i komunikacija Bosne i Hercegovine odgovorno je za reguliranje proizvodnje, čuvanje i uništenja pečata kao i za vođenje evidencije o pečatu institucija Bosne i Hercegovine.

Podzakonski akt kojim će se regulirati pitanja iz prethodnoga stavka Ministarstvo za civilna pitanja i komunikacije će donijeti u roku od 15 dana od dana stupanja na snagu ovoga zakona. Nadzor nad radom ovlaštene pečatoreznice u pogledu izrade pečata, vrši Ministarstvo za civilna pitanja i komunikacije.

Članak 7.

Pečat institucija Bosne i Hercegovine koristi se u službenoj prepisci članova Predsjedništva Bosne i Hercegovine, Vijeća ministara i ministarstava, Parlamentarne skupštine Bosne i Hercegovine, Ustavnog suda, Stalnog komiteta za vojna pitanja, Komisije za ljudska prava, Centralne banke i Stalne izborne komisije nakon formiranja iste, ministara pojedinačno, doministara i svih ostalih službenih osoba institucija koje su pod upravom institucija Bosne i Hercegovine, odnosno koje podnose izvješće institucijama Bosne i Hercegovine. Ni jedan drugi pečat neće biti korišten zajedno sa ovim pečatom institucija Bosne i Hercegovine.

Članak 8.

Ovaj zakon stupa na snagu sedam dana nakon njegovog objavljivanja u "Službenom glasniku BiH".

**ЗАКОН
О ПЕЧАТУ ИНСТИТУЦИЈА БОСНЕ И
ХЕРЦЕГОВИНЕ**

Члан 1.

Овим законом се уређује облик и изглед печата институција Босне и Херцеговине, као и његова употреба од стране институција Босне и Херцеговине.

Члан 2.

Печат институција Босне и Херцеговине потврђује аутентичност службених докумената институција Босне и Херцеговине и користи се у складу с одредбама овог закона.

Члан 3.

Печат има облик круга и садржи текст: Босна и Херцеговина и назив институције написан латиничним писмом ијекавског изговора и ћириличним писмом екавског изговора, с тим да су оба назива у облику концентричних кругова који непосредно окружују грб Босне и Херцеговине, који се налази у средини печата.

Печат се производи у две величине пречника 50 односно 30 милиметара.

Органи и организационе јединице институција из члана 7. овог закона могу имати и печат пречника 20 мм ради потврђивања финансијских и других докумената где употреба већег печата није погодна.

Изглед и графичко решење печата институција Босне и Херцеговине дати су у Анексу, који чини саставни дио овог закона.

Члан 4.

Печат институција Босне и Херцеговине не може се користити као заштитни или услужни жиг, узорак или модел, нити као било који други знак за обележавање роба или услуга.

Члан 5.

Печат институција Босне и Херцеговине не може се употребљавати уколико је оштећен или својим изгледом неподобан за употребу и као такав ће се повући из употребе.

Члан 6.

Министарство цивилних послова и комуникација Босне и Херцеговине одговорно је за регулисање производње, чувања и уништења печата као и за вођење евиденције о печату институција Босне и Херцеговине.

Подзаконски акт којим ће се регулисати питања из претходног става Министарство за цивилна питања и комуникације ће донети у року од 15 дана од дана ступања на снагу овог закона.

Надзор над радом овлаштене печаторезнице у погледу израде печата, врши Министарство за цивилна питања и комуникације.

Члан 7.

Печат институција Босне и Херцеговине користи се у службеној преписци чланова Председништва Босне и Херцеговине, Савета министара и министарстава, Парламентарне

скупштине Босне и Херцеговине, Уставног суда, Сталног комитета за војна питања, Комисије за људска права, Централне банке и Сталне изборне комисије након формирања исте, министара појединачно, заменика министара и свих осталих службених лица институција које су под управом институција Босне и Херцеговине, односно које подносе извештај институцијама Босне и Херцеговине.

Ни један други печат неће бити кориштен заједно са овим печатом институција Босне и Херцеговине.

Члан 8.

Овај закон ступа на снагу седам дана након његовог објављивања у "Службеном гласнику БиХ".